

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na sjednici Predstavničkog doma, održanoj 18. decembra 2003. godine, i na sjednici Doma naroda, održanoj 22. decembra 2003. godine, usvojila je

ZAKON

O PRIVREMENOM ODGAĐANJU OD IZVRŠENJA POTRAŽIVANJA PO OSNOVU IZVRŠNIH ODLUKA NA TERET BUDŽETA INSTITUCIJA BOSNE I HERCEGOVINE I MEĐUNARODNIH OBAVEZA BOSNE I HERCEGOVINE

^lan 1.

Ovim zakonom privremeno se odgađaju izvršenja potraživanja po osnovu izvršnih odluka na teret Budžeta institucija Bosne i Hercegovine i međunarodnih obaveza Bosne i Hercegovine.

^lan 2.

Pod izvršnim odlukama podrazumijevaju se izvršne isprave donesene u sudskom i upravnom postupku, a koje se odnose na potraživanja po osnovu:

- stare devizne štednje,
- ratne materijalne i nematerijalne štete,
- potraživanja nastala za vrijeme rata i neposredne ratne opasnosti,
- zaostale neizmirene obaveze korisnika budžeta.

^lan 3.

Ovaj zakon primjenjivat će se do donošenja zakona kojim će se regulirati način izmirenja obaveza iz izvršnih odluka iz člana 2. ovog zakona, a najkasnije do 31. marta 2004. godine.

^lan 4.

Ovaj zakon stupa na snagu osmog dana od dana objavljivanja u "Službenom glasniku BiH", a objavit će se u službenim glasilima entiteta i Brčko Distrikta Bosne i Hercegovine.

PSBiH broj 130/03
22. decembra 2003. godine
Sarajevo

Predsjedavajući
Predstavničkog doma
Parlamentarne skupštine BiH
dr. Nikola [pirić, s.r.

Predsjedavajući
Doma naroda
Parlamentarne skupštine BiH
Mustafa Pamuk, s.r.